

彭江蓬窠子傳

青江修方案證

一催丁

一救貧

一催貴

一卻病

一散訟

青江先生譜修方原序

黃帝觀大壯以作宮室箕子衍洪範而修而力運氣迭乘三元
綜五行之流貫造命催福九疇蘊七政之精華圖書易卦奧衍
弘深非博學一貫其孰能與於斯青江先生產於荆鄉學於天
下昔遊齊魯陟岱峯之巔訪孔孟之跡徘徊洙泗悵步趨之莫
追詣都中交天下士坐大學講繫辭傳不特史館諸公羣羨之
而中朝大老傾倒尤甚其相與論辨唱和者無虛日常常炬蒲
前除話分中夜先生同李膺之舟卧陳蕃之榻而不受常璫推
轂薦剡之私不於郭泰徐穉較勝焉者平繼聞諸名公爭聘至
荆里先生擇人而往十僅應其二三或北出居庸遶道歸化或

東走鳴綠旋登高麗或西探雲嶺覆闔岐周或南浮江淮留覽
粵閩節鉞以下相沿駕輶以虛左旣涉渤瀛復漂滄溟往返嶺
南武藝亭駐徽杭蘇潤溯江而上徧覽金陵豫章足跡所經萬
有餘里文獻風景悉歸襟懷有勝情而復擅濟勝之具每一閱
歷圖其山川盤旋之勢叙其脈絡聯結之情兩間勝槩盡收於
毫釐尺幅之中周遊旣廣著作益奇尙平許掾何足方此今觀
先生宅譜三書受傳於蓬萊仙叟對證於栢鄉家藏後自廣圖
書通卦象試驗於大邦名區如衍解鬻閣及十二修方由胸羅
一十八宿故能參化育透天機五邪疾催丁尤尋常事百試百
驗案證不可勝書所以海內名賢翕然東歸而先生亦借此游

藝以儼其勝焉此國學中之一班耳先生博學一貫豈直如此
已哉僻壤無識者輒擬爲誕謾而不信宅譜之道又豈可爲孤
陋寡聞者言哉試想龍馬負圖神龜獻書愚氓鮮不視爲怪物
羲禹一見知爲天文向使九疇易推武王何必訪之箕子今若
七政易測司臺何必準之西儒修方造命原非管蠡可仰測其
高深者又奚怪乎僻壤之無識者也先生之徵驗萬應已不繁
之以醒蒙不幾辜負天錫之意瞞昧聖衍之功也耶吾願登之
栗東公諸四方則指南壽世之功益不朽於奕禩

雍正甲辰春安義同學弟熊應璜拜書

催生二卷

目次

青江孫男正親慶堂編

催生本疇

牀門合白

子山造命

豫定四柱

命關居室

三元命疇

陰陽分宮

太陽天喜

太陽準否

臥房吉凶

生氣關煞

坐煞迎生

弟兄五異

長男不生

中男不生

少男不生

子各多少

元嫡續妾

修方旺妻

修方催丁

六丁年方

歲臨房門

催生舊案

增修方催生一卷

彭山蓬窠子口授

荆鄉青江子述編

海寧陳實齋

先生緊定

受業

周文光觀西

校

高安朱可亭

周如山靜安

問催牛本疇

曰人丁固關係乎陰地胎孕尤緊切於陽居地戶窠墩胎不得
受生方破隘孕亦中傷宅基形召形門戶氣感氣不犯三十二
絕穴恐犯二十一絕山不犯二十一絕山最嫌八卦相剋制震
爲長屬木坎爲中屬水艮爲少屬土金剋震絕長土剋坎絕申
木剋艮絕少此義文盡卧之至理孰能出其範圍哉然則如何

補救可以挽回造化長受尅坎震資濟中受尅兌乾生扶少受
尅離艮培植箕疇男婦宮分各有陽命陰命陽命納陽氣陰命
納陰氣凡命在一九三四陽宮者不可犯西陰命在二五六七
八陰宮者不可犯東陽若陰差陽錯不逢生旺災且難免生亦
不肖嗟乎不孝以無後爲大其如方向乖迕何若能轉順人氣
取七政恩星照命度則催生方且極速又何無後之足患哉

問古人有安床開門立三生子是何作用

曰修方催丁猶治地種樹無非取生旺之氣也如乾隆辛酉七
赤直年八白在乾太陽在戌一白在艮陽合在寅月白併臨床
門合吉一年外生男壬戌六白直年八白在兌九紫在艮月白
併臨床門合吉一年外生男癸亥五黃直年乾坎艮方月白併
臨床門合吉一年外生男甲子四綠直年床在坤而門開午床
在午而門開坤或床在兌而門開坤床在坤而門開兌或床在
午而門開兌床在兌而門開午月白併臨其方當年卽受男胎
三碧直年床在艮而門開震或床在震而門開艮或床在坎而
門開艮或床在艮而門開坎月白同此三年內俱生男子二

黑直年一白在巽六白在離八白在坤安床開門月白同方二
年生男 一白直年六白在坎八白在震安床開門月白同方
三年內生男 九紫直年乾巽坤方二年生男 八白直年安
床以一白兌方一年外生男乾隆庚申年驗過至後己巳年二
碧右離太陽天喜直午方月白加臨午方安床兌方開門或兌
方安床離方開門合女命陰陽宮迎納生旺之氣三年內生男
庚午二黑直年八白在未坤太陽天喜在未坤月吉加臨九紫
剋宮一年外生男一白在巽九紫在震巽震床門三年生男

問子孫有命命自有生來已定矣諺云命中有子終須有

命裏無兒莫强求況且八丁關乎祖塋豈一陽宅內移

房安床遂可改變生成之命乎何以擇期修方許定三
年內生男子耶若然則已定之命不足爲準禍福之權
竟操於人人反勝過天天反拘不過人矣此近荒渺吾
竊疑而難解願聞其旨

曰人皆曰子孫由命而不知命之大原出於天天有何體二十
八宿爲之體天有何用日月五星爲之用也生人四柱年月日
時亦不外二十八宿爲之體日月五星爲之用者也五行有生
剋制化命主分子父財官當曰生時子星未帶八命度今日擇
吉子星正取人命宮燮理陰陽仍係天之二十八宿裁成輔相
仍係天之日月五星豈有他哉夫亦曰天之造命而已矣以造

命而補原命之偏以造命而救原命之弊權雖操之於天猶視
其人之於天何如耳違乎天則天理變合乎天則人事亨今擇
期取天之時叶天之吉不過邀天之再造培人之元神解仇星
而化煞生權制難星而轉爲我川選生炁天嗣到命則絕煞已
除而金櫃透闢取大陽天喜到方則子星出現而人道勃興不
啻對日取火鏡一端卽燃矣三年猶寬緩之詞一二年不已可
準乎雖曰人丁關乎祖塋試問塋在何處塋在地宅亦在地也
凡成形於地者皆受氣於天地猶人母天猶人父有父無母子
從何出有母無父子由何生擇期本天道卽父道也修方本地
道卽母道也受氣於天成形於地造化之機與時推移若必謂

祖際前定陽宅不能挽回是止知有地而不知有天止知有地
不知有父矣苗生於田田肥則苗肥田瘦則苗瘦地固爲之主
已然獨不思雨露之養乎五六兩月無雨露則苗稿矣人之不
生子由於命中之子星空也苗之不秀實非天之雨水淹沒卽
天之乾旱枯朽也修方之道猶以水壅之秩乘早移栽高田也
猶以乾涸之禾及時灌溉滋息也氣至而滋息則生非復向日
不生之命矣由是觀之命定於天仍移於天體雖有定用却無
窮不然天既降以河圖爲之體卽不必錫以洛書爲之用天何
必諄諄以示人乎聖人本乎天以前民用既有先天八卦爲之
體本河圖一定而不易又有後天八卦爲之用本洛書流行而

不滯朱子曰有體不可無用有用斯以明體猶有根柢不可無
枝幹有枝幹方開花而結實此所以擇吉扶持修方蒔植卽可
預券三年內生子也而烏容疑之若謂自有生已定此不過曰
家推算但憑氣數之命而言者孟子不云乎君子不謂命也使
氣數之命斷不可移則凡毆死者命該死律何以人命有抵償
之條凡作惡者命該惡律何必犯罪加桎梏之苦諺云醫道不
明誤殺一人地理不明誤殺滿門既是命定而又何事以誤殺
問罪於人哉夫旣曰不明者殺人然則醫道之明者獨不能救
人乎地理之明者獨不能生人乎而何以修方生子爲近荒渺
生乎旣不信則發富出貴之說更難信子不能生則凡扞宅扞

終不幾皆絕地乎而又何必強求打之也嗟夫憚忘之人徃徃
推諉於氣數之命而不知吉凶消長之理進退存亡之道仍操
之於人者也向使人不能勝天聖人又何必作易示人以趨吉
避凶也彼疑修方催丁爲虛語獨未見時憲書排夫婦命宮示
人以生子之道歟某年生男命在某宮某年生女命在某宮有
室有家各依木命方道坐向作房安床不致陽錯陰差便能叶
吉生育而世人不察反置不用何也果不必用之則必時憲書
不有男女宮分而後可宮分木於疇範疇範木於洛書洛書木
於天地明明有天地在上下洛書并於易疇範衍於書宮分載
於時憲而反偏以有作無是徒知有己身而不知身之所從出

矣不亦可哀之甚哉

問修方催孕憑何預定生男四柱

曰夫婦當爲兒女時彼此各別爲何結髮成婚必兩家宅兆同一氣化因而生兒育女不離此夫婦命內之于支或日或時不同乎父必同乎母凡男女皆然總由宅兆氣化所應如男生尅妻之命必招壽短之婦女生尅夫之命必嫁壽短之男男女命皆尅子必生湯命之兒由是而知全不生育者必無嗣星在命慶也古天人家所以有擇吉扶命修方催丁良由補偏救弊挽回造化卽可改天命奪神工者也如夫婦命無嗣星推查命之嗣金當日生時太白金不照命度故命無金則無嗣今擇已

取天上金星躔照地下之生方竝照夫婦之命度是無金而有
金猶肺氣不足以參苓芪朮散調補而肺氣不漸足乎金補足
而金嗣不當孕乎金應庚丁巳酉丑金星扶命必太白合照或
拱照之時受孕太白正照或對照之時降生兒命繫乎金星必
庚丁巳酉丑西柱也如嗣屬水當日生時辰星全不照命度故
命無水則無嗣今擇吉取天上水星躔照地下之生方併照夫
婦之命度是無水而有水猶腎氣不足以歸芍地黃丸調補而
腎氣不漸足乎水補足而水嗣不當妊乎水應辛壬申子辰既
水星扶命必辰星合照或拱照之時受孕辰星正照或對照之
時降生兒命繫乎水星必辛壬申子辰四柱也木火土從可知